

文獻叢編

第二十三輯

文獻叢編第二十三輯目錄

明內府印章

滿文本牌

順治四年奏議稿本 內開大庫檔

吏科左給事中韓源爲請早竣計典事題本

福建道試監察御史梁應龍爲弭盜安民事題本

吏科給事中林起龍爲參東撫丁文盛並薦王永吉事題本

禮科右給事中楊時化爲請定守令久任之規事題本

都察院左副都御史徐起元爲請定察吏之制事題本

工科給事中孫珀齡爲舉人失去文引請概准取結會試事題本

河南道試監察御史趙班璽爲別用舍以澄仕路等四事題本

撫治鄴陽等處潘士良爲請建營房以安地方事題本

工科給事中孫珀齡爲蜀地初平請急設撫按事題本

都察院左副都御史夏玉等爲陳弭盜要策事題本

禮科給事中袁懋功爲再陳弭盜之方事題本

戶科給事中劉顯績爲錢糧繁目宜裁事題本

巡視東城等城四川道等道試監察御史秦世禎等爲嚴防內姦以靖地方事題本

英法聯軍戰役之中英交涉事件 軍機處檔

英欽差額爾金請令在京英員尅日回營照會

英欽差額爾金請在三日之內令留京英法員弁各回本營照會

英欽差額爾金請如期送回留京員弁並明訂續約何日畫押照會

英欽差額爾金照復將巴羅二員衣物交來差費回照會

英欽差額爾金照復仍遵守和局之堅議照會

英將軍克靈頓知照調派弁兵駐守安定門照會 附英參贊威妥瑪致我國武備院喇恒祺書

英欽差額爾金申明進兵之故並請交賠償被難英人之款照會

英將軍克靈頓請查復前被獲弁兵五名未有下落實在情形照會

英欽差額爾金照復定期將續約蓋印並互換八年原約照會

英欽差額爾金照復收到銀三十萬兩無誤照會

英欽差額爾金照復所有本任應辦之事交欽差大臣卜承辦照會

英欽差卜魯斯請轉照租用之樑公府遷出存物照會

英欽差卜魯斯知照按約分派領事官駐紮准通商各口照會

英欽差卜魯斯請割論各口照期完繳賠款照會

英欽差卜魯斯知照所繳銀兩若有盈餘或不足待下次彙計或補繳照會

英欽差卜魯斯照復派威參贊駐京議辦驗銀等事照會

英欽差卜魯斯請補交下欠之京師議定續約內應償銀兩照會

附英總理軍餉大臣勇驛詳報抄單

英欽差卜魯斯照復續約議定應交銀兩既全數交完已札行該管官勿庸再議照會

總管內務府爲酌議陵寢內務府考試筆帖式章程摺 內務府檔

魁齡爲吃肉失儀自請議處摺 內務府檔

總管內務府查明太監支米章程摺 內務府檔

總管內務府爲憲政籌備處改設辦公處所並籌給司員等津貼摺 內務府檔

江蘇鎮江府教堂冊 軍機處檔

江蘇常州府教堂冊 軍機處檔

清宣統朝四川鐵路案 軍機處檔

四川總督趙爾豐陳川人爭路情形電

四川總督趙爾豐陳省地發現罷市之舉電

四川總督趙爾豐陳川人主張路歸商辦並請將借款修路交資政院議決電

四川總督趙爾豐陳川事日見危迫請籌商轉圜之策電

東三省總督趙爾巽以川事嚴重非稍變方針萬難解決電

四川總督趙爾豐陳川人謂爭約爭路關係憲法不僅一路事電

四川總督趙爾豐陳川路如准歸商辦大局不致破壞請速定辦法電

湖廣總督瑞澂以川事劇烈請派兵艦保護中外商民以鎮人心電

海軍部復瑞澂就近調派兵艦電

海軍部電知海軍薩統制鄂督調用兵艦電

海軍部令海軍沈統領派兵艦迅赴重慶電

賈州電局陳成都閉城電報不通電

重慶關道朱有基陳據賈州牧探報省城情形電

四川總督趙爾豐陳成都變亂情形電

四川總督趙爾豐再陳川事並請命端岑一督川一管軍事電

端方論川事意見電


東三省總督趙爾巽請分清岑趙權限電

岑春煊電告行抵武昌再陳路事並乞退電

湖廣總督瑞澂電告岑春煊堅持川事意見電

端方陳已抵夔州並請將岑春煊電奏全文及部復示知電


附文獻館二十四年一月分工作報告




（處辦造府務內清藏原） 一 之 章 印 府 內 明



滿文木牌之一正面



滿文木牌之一背面



滿文木牌清內閣大庫藏凡二十六支內容記載崇德元年武英郡王阿濟格略明時戰地殺敵俘虜及佔領城池掠獲戰利品等事字體係老滿文與加圈點滿文兩種於清初史料及滿洲文字史上頗關重要現已譯印專集上圖即木牌之一譯文如左

一、兩紅旗前鋒會合

進略時鑲紅旗前鋒先至文安城佔

領之

二、首登城者吳山牛

象之尼亞哈次登

城者吳巴海牛象

之色勒

順治四年奏議稿本 內閣大庫檔

順治奏議殘卷寫本一冊，原藏內閣大庫冊面題「順治四年分奏議刪去四十三條」冊尾已殘，計存科道部臣及各督撫題疏凡四十一件，多有眉批「擬刪」或「刪」等字樣；似爲清奏議之未定稿，由館繳存內閣者。案光緒續修會典翰林院典載，「敕編皇清奏議」，在乾隆十年、嘉慶十五年、二十五年，咸豐九年，三次續纂，而中央研究院歷史語言研究所藏有奏議館收貯各省督撫送來奏議文集碑文志書等項目錄，（見內閣大庫書檔舊目）爲乾隆四年九月編。可知編纂奏議，在乾隆四年以前，不自十年始。北平圖書館藏寫本二部；一，順治殘卷七冊，似爲寫定稿本。一，康熙殘卷二冊，乾隆一冊，冊面題「議，副本」，均清內閣大庫舊藏，疑亦奏議館繳閱者。北平圖書館所藏寫本，順治四年分僅收題疏八件，於此冊所有四十餘件，全未錄入。彼時所刪，未必非後來史家需求之材料，故特刊行之。

吏科左給事中韓源爲請早竣計典事題本

吏科左給事中臣韓源謹題爲新正伊始早竣計典以無誤地方事大計叁年

一舉行合天下百司以聽一人之黜陟投冊閱冊必於歲前考察過堂必於正月初二以後掛榜糾拾必於十五以前茲且初旬過半矣較之常期已踰而各處地方多事其州縣官露章糾劾者已非地方中人早宜出缺以便銓補其在冊處分與應留用者各懷疑畏亦宜早予分別以便去留至藩臬爲郡縣之紀綱各處彈壓亦宜速令回任以資調度早一日則修一日之職听敕各該衙門一凡計典應行事宜作速料理務於月內竣事庶大典克舉而地方亦早收得人之益矣謹題請旨順治四年正月初七日奉旨該部院知道

福建道試監察御史梁應龍爲弭盜安民事題本

福建道試監察御史臣梁應龍謹題爲弭盜安民以靖疆圉事竊惟我皇上聖德如天寬仁覆載是以天下傳檄而定四方孰不仰其來蘇但痛明季地方荒殘百姓凋敝生聚教養至今未遑所以一有蠢動遂至張皇失措臣向蒞事平原將近一載目覩山左土寇滋蔓攻城屠邑人心痛憤大兵一下駢首就戮不待教而誅固不足惜然勞師動衆糧餉廢煩况干戈所過必有荒年人民愈稀

元氣斲削又大可念也揆厥所自良由守令平素教養未盡繁刑厚斂聽斷不公迫之走險旣而嘯聚成羣劫庫劫印如探囊取物有司徒手孤立守禦無人拒捕無策任其荼毒究卽拏問重處又何益於地方也伏乞皇上亟勅各省直撫按嚴飭有司簡刑簿斂教養兼舉實惠及民以爲收拾人心第一要務抑各府向有鄉兵者不必再議如未經設立當議訓練鄉兵或三五百名每州縣訓練二三百名置辦火器長槍如遇寇警鄉約傳籌令其互相救援所有食餉著落府州縣設處酌量支給倘提調無方城池不整并匿盜不報及不相救援者聽撫按指名參究庶文臣少有武備地方之餘孽潛消于以壯國威而定太平未必無所補益矣順治四年正月十二日奉旨已有旨了該部知道

吏科給事中林起龍爲參東撫丁文盛並薦王永吉事題本

吏科給事中臣林起龍謹題爲東省咽喉重地撫臣庸劣無爲急易宏才靖寇安民事臣思天下統兵憲察吏民俾一方安靖而保障之者惟巡撫都御史也得其人則百姓蒙福地方無事而爲朝廷之屏翰非其人則百姓受害地方不

寧而貽廟堂之隱憂此其責任何重關係何大也如山東近切畿輔爲南北咽喉之地且俗號强悍易爲盜藪非有經畫夙備之人殫心料理竭才撫綏未有不負朝廷悞地方者而今之撫臣丁文盛平居旣無察吏安民之才臨變又鮮應變克敵之策致使羣盜縱橫搶州劫縣殺吏屠民者已不下數十處矣屢奉嚴綸議處竟置沉閣以威令不行之庸才使久處要地寇益滋民益苦無乃有庇之者耶我皇上愛民如子軫恤封疆東寇一日不息南北一日不通百貨俱阻士子裹足是必速更一經緯咸貫文武兼資之人庶可使寇漸平而民漸治况我皇上用人無論新舊惟隨才器使而已如大理寺卿王永吉雄才大略謀斷過人有抱負有擔當又深于行伍當明季羣寇猖狂之際撫治山東能使奸盜斂戢其民至今歌思不忘伏乞我皇上以重任必寄真才遍廷臣而諏訪之如臣徇情妄言罪甘斧鉞若臣言不虛伏乞皇上速用此人必有一番指畫之方戡定之略但此人官至京堂衙門無事以人情居尊好逸之心度之必不肯舍清高而肩任大責重之職臣爲我皇上從地方生民起見似非此人不可者

去庸流而任傑士寇盜蚤除咽喉不梗朝廷無東顧之憂矣地方幸甚百姓幸甚順治四年正月二十二日旨丁文盛着作速議處具奏林起龍薦王永吉擬捕丁文盛員缺甚不合理屬徇情面該部知道

禮科右給事中楊時化爲請定守令久任之規事題本

禮科右給事中臣楊時化謹題爲請重親民之職立久任之規以杜營奔以戢寇亂事臣歷觀古今治亂之原及目前盜賊之禍竊謂百姓實繫邦本州縣職在牧民守令得人則民不窮民不窮則盜不生而天下治守令不得人則民窮民窮則盜生而天下亂故欲綏安百姓惟在守令而守令得以展布四體惟在久任書云三載考績三載黜陟幽明後世遵之以爲銓法雖中間不無損益斷未有不久任而可奏咸熙之理者也近日守令有一年而轉者有數月卽轉者我皇上當經綸草昧之際遷擢遲速不妨權宜天下旣定宜立經久之規以爲萬世治安之計凡官皆宜久任而守令爲最民情土俗非久任則不知政體事宜非久任則不練雖有長才非久任則不能從容展舒雖有恩膏非久任則不

能次第宣達徒滋送舊迎新之擾兼開諉事躁進之端明朝推之必歷俸四年四個月乃得陞轉法非不善而賄賂公行卑諂成習黑白不分舉劾乖謬遂使民窮財盡旋至亂亡臣願我皇上念此風鶴甫定之人心瘡痍未起之子遺非久任賢能州縣官曷以撫綏而安輯之乘此大計之後立爲畫一之規除舊守令應陞轉外凡甫銓未任及受事方新者必三年考滿後方許推陞一切內外風憲之臣不得以言貌之恭諂爲殿最而短樸忠之氣不得以苞苴之有無爲彰瘴而擊循良之肘如是而盜賊不息天下不安未之有也順治四年正月二十五日奉旨吏部知道

都察院左副都御史徐起元爲請定察吏之制事題本

都察院左副都御史臣徐起元謹題爲敬陳察吏定制俾天下生民永享安寧之福仰乞聖鑒勅部酌議事恭惟我皇上興仁義之師掃蕩流氛救民於水火之中天下望風投順一統之勢已成而久安長治之道收拾人心爲第一要務然皇上所藉以收拾人心者全在有司有司親民之官利賴以興害賴以除有

司賢則一方受其福而人心悅有司不肖則一方受其害而人心解今皇上定鼎三年遂大計諸省羣吏賢者留之不肖者黜之彰殫嚴明人心莫不儆惕誰敢復以不肖自居第恐日久生玩諸吏或勉持於一時不能保其不墮節於末路小民終不獲安其生矣皇上開創之初設立察吏定制以爲經久之計如有司官行政寬厚持己廉介作事精敏利無不興害無不除此賢有司也督撫按據實薦揚或陞轉或行取宜照前代考績之法限以年分彼其歷練久凡民之情僞事之利病無不透徹理煩治劇迎刃而解小用之則小效大用之則大效有補於國家非淺鮮矣若夫柔懦無爲以及大貪小酷均爲小民之蠹不可一日使之居於民上督撫按不時稽察不時糾劾一面具疏上聞一面發審州縣官不肖發府廳會審府廳官不肖發兩道會審叢弊者係本衙門之胥役被害者係本地方之百姓何難歸結限以三月成招解院如過限不完其中必有展脫情弊承問官卽以循縱論法在必行天下黑吏見無可倖脫之路敢不潔己愛民天下永享太平矣倘各差御史舉劾不當或在地方任性妄作臣等廉訪

確實回道之日嚴加考覈察吏安民臣衙門總其大綱故敬循職掌披瀝上陳
伏乞勅下該部酌議施行爲此具本謹題請旨順治四年二月初四日奉旨該
部議奏

工科給事中孫珀齡爲舉人失去文引請概准取結會試事題本

原眉批
擬刪一

工科給事中臣孫珀齡謹題爲試典重開宜廣收羅以光遴選事恭惟我皇上
求賢若渴（皇叔父攝政王吐握下士）賢關首開鄉會再舉無非欲廣求賢才
以基至治卽闢門籟俊不是過已舊例舉人會試各取本省布政使司文到部
看驗今土寇竊發道路阻梗臣聞各省舉人上公車者中途多遇土寇劫掠資
斧一空文引盡失僅存性命如此之類不下數十人夫諸士背鄉離井間關跋
涉於數千里之外亦欲乘利見之時赴功名之會乃以刼去文引之故令觀光
上國者望龍門而飲泣嗟故里以難旋無論非我皇上博求俊乂之盛心且亦
非矜恤遠方寒士之至意矣伏乞勅下禮部仰體皇上求賢之心但期辨驗直
僞不必盡拘文批如有失去文引等項者許取同鄉京官印結驗係真正本身

併無詐冒違碍者概准會試出之人誰肯以自己見在之功名殉他人未定之功名乎試期已迫議覆恐稽時日多士阻阨可憫倘臣言可採伏祈聖明俞允施行順治四年二月初四日奉旨真正舉人有同鄉京官印結的卽准會試虛冒者連坐禮部知道

河南道試監察御史趙班璽爲別用舍以澄仕路等四事題本

河南道試監察御史臣趙班璽謹題爲聖治日隆臣誼莫效謹陳四事以襄盛理事臣草茅新進蒙皇上特恩簡授言職夙夜自矢惟有知無不言以仰答萬一顧聖化誕昭高深莫贊而糜祿緘處非臣誼之所敢出也謹陳目前切要四事以備芻蕘之採焉一曰別用舍以澄仕路也國家用人無方前朝之臣嘉與維新一體錄用比者諸臣鱗集闕下在銓曹自有定衡而諸臣則未決去處當事者有纏擾之煩聽候者有羈留之苦臣請聖諭下吏部速爲甄別明示用舍用者挨次補授不得攙越不用者勒令回籍如已示不用仍前潛住京師者卽爲資緣無疑許五城御史不時察參庶幾覲覲絕而仕路清矣一曰誅盜魁以

杜亂源也鼎運方新而東省小醜輒敢跳梁其初非飢荒所迫皆當明末狡猾
姦人乘機爲亂或被煽惑或爲驅脅以致蔓延不時竊發今大兵所至不難指
日授首乃捷報頻聞而賊不見平者則以渠魁馬賊未擒也况玉石俱焚之際
保無殃及善良以爲功者乎臣請聖諭地方行間諸臣凡係渠賊務期擒獲正
法勿令以脅從爲餌輕身逃匿勿令借投降名色倖僥漏網以圖後舉若魁渠
未盡斬除不得粉飾零星小捷以瀆聖聽庶幾責成專而盜魁殲餘黨散而亂
萌永遏矣一日清學校以儲才用也學校之設原以養育人才馴至明末不無
濫觴真贋並售穢玉無別名數日增歲考稀闊營窟旣多徭役頓減一入囊宮
有進無退遂以青衿爲護身之符招呼黨類動以公舉爲名把持官府武斷鄉
曲是朝廷育才之地反爲藏奸之地矣臣請聖諭申飭督學諸臣查照大縣中
縣小縣分別科歲進取名數各有定額不得濫收歲考嚴加澄汰其有聚羣成
黨出入公門陰以把持武斷者從重革處則饜序愈重良莠分而真才出矣一
曰禁邪教以正人心也小民無知陰邪之教易於惑溺身家不惜白蓮紅巾之

亂由此以作近代如明朝亦時時有之幾成大患是不可不嚴之於早也前科臣林起龍有疏奉旨嚴禁但京師雖知小戢而外省府縣未盡遵曉臣請聖諭申飭各省撫按轉行其屬有聚衆說法喫齋號佛者卽行拏究兩鄰不舉一併治罪有司不行覺察并行罰治邪教息而人心正亦遏亂戢寇之道所關非淺也如果臣言不謬伏乞聖明採擇申飭事關條議字稍逾額統祈鑒宥施行順治四年二月十五日奉旨該部知道

撫治鄖陽等處潘士良爲請建營房以安地方事題本 原眉批「擬刪」

欽命提督軍務撫治鄖陽等處地方兵部右侍郎兼都察院右僉都御史臣潘士良謹題爲兵民雜處釁端宜萌仰懇聖明俯允建設營房以安地方事臣竊惟兵以衛民民以養兵兵民之相需久矣臣接兵部咨欽頒新定經制鄖襄兩標各有額設官兵第查鄖鎮原舊設有營房惟襄陽一郡屢經殘破城社邱墟寥寥殘黎向俱結草爲廬今幸漸有起色然戍襄官兵往往以露處借口或斗室而分居其半或數椽而叢寓其中需索酒食把持塵市小民不能安其生理

兵既擾民民復警兵漸有不相安之勢臣晝夜思維欲請建設營房令兵民安堵奈地方疲敝營造無資今查得新野縣已殲叛逆陳蛟向隱占襄棗田地業經委官查出計地共三千二百六十三畝已徵本色糧八百二十石又逆蛟散遺耕牛三十六隻驢六頭以上各項俱堪變價爲抵造營房之資臣恐爲數不敷復設處銀三百兩錢七十千文行令道府諸臣買備物料創建營房復申飭督造員役務期堅固如式堪避風雨爲異日經久之計俟營房落成仍令兵歸一壁民歸一所民居市廛以貿易兵入信地以戍守各營本業無相侵害久之兵卽民而民卽兵矣夫戢兵安民微臣職分曷敢瑣瀆聖聽惟是開銷逆蛟遺產不敢不披瀝上陳伏願我皇上「皇叔父攝政王」軫念襄屬殘黎蒞屋窮簷不堪兵民並處勅下該部速賜允行庶兵有信守民俱安業地方享寧謐之休矣順治四年二月二十日旨該部知道

工科給事中孫珀齡爲蜀地初平請急設撫按事題本

原眉批「擬刪」

工科給事中臣孫珀齡謹題爲蜀地初平宜急設撫按以暢皇靈以輯人心事

蜀稱險阻之地聲教難及且屢年大亂人心叵測今當我兵新創巨憊授首而餘孽散處民寇不分雖委官代署終是過郵之客視殘氓於膜外而一官失職反不足以宣皇威爲地方計宜急推撫臣智勇素著按臣釐剔精明者受命宵征彼實膺子弟斯民之責自事事切痛癢使治寇如治絲之理且設官出自朝廷使遐方知聖天子威靈「皇叔父攝政王」綏遠「弘功」尤不須十萬甲兵而容城劍閣寧見蕩平矣伏祈勅下該衙門酌議施行則蜀中幸甚天下幸甚順治四年三月初六日奉旨該衙門知道

都察院左副都御史夏玉等爲陳弭盜要策事題本 原眉批「擬刪」

都察院左副都御史臣夏玉等謹題爲敬陳弭盜要策以靖地方仰乞聖鑒採擇事竊照近日盜賊橫行南城屢報失事漸不可長臣等有彌盜數款爲皇上陳之

計開

一京內所造弓箭盛甲凡有買主俱入稅司上稅報名立案百姓之家不許

擅置如外營差人進京置買須申文兵部立案給票照買亦赴稅司納稅
若有私買私賣不報稅者或查訪得出或被入首告坐以重罪

一保甲之法宜立十家爲一甲立一甲長十甲爲一保立一保長白晝稽查
形跡可疑之人有卽送官審究黑夜互相隄防一家有事九家鳴鑼喊救
一甲有事九甲鳴鑼喊救賊自不敢久存若各自閉戶坐視不救甲長保
長俱從重懲治

一新人出人不許擅帶弓矢如違坐以重罪卽入滿洲家新人亦不許攜帶
若隨營出征者不論

一外城各門每門俱設立滿官多帶滿兵日每坐守嚴加盤詰則賊不得混
入

一各城設有窩鋪每面派一將官帶領兵丁巡防庶賊不敢越城而地方可
以安靜

一行文各省凡喂養馬匹之家得價則賣定不論買馬者之善惡也宜飭該

管官盡行報上照時估值給價發營騎操不許仍前私自蓄養買賣

一住家店家凡遇投宿之人若有騎馬隨帶弓矢者察問有無牌票作何公幹卽具手本報知本坊坊官細加審問則賊不得歇脚

以上七款臣等一得之愚伏祈勅部酌議施行順治四年三月十一日奉旨兵部酌議具奏

禮科給事中袁懋功爲再陳弭盜之方事題本 原眉批「擬刪」

禮科給事中臣袁懋功謹題爲再陳弭盜之方責成地方官役卽時奉行仰祈聖鑒事臣惟禁城大盜公行非止一日屢經臣等請旨申飭天語煌煌不啻再三乃城南剽劫傷及官兵及今不防長此安極臣就今日弭盜之急務言之如夜行宴會等事業奉嚴綸再照明旨責問該門官兵何無盤詰臣伏思之外城門禁最宜嚴飭設立專官啟閉以時其各門鎖鑰每日早晚宜令交入兵部至於城市之中原有柵欄之設所以防盜賊之馳走近有已設而啟閉無人者有大街竟未設者今議大街之內約半里許取堅厚木植設大柵欄一座定更之

後責成巡捕員役關鎖黎明放行各小巷口原舊柵欄俱令修葺行該城司坊傳諭居民輪流關鎖自相守望如有虛應故事者一體參問治罪庶巷自爲守盜賊無容馳騁矣伏乞勅下五城督捕衙門限五日內立行嚴飭修葺務令實在遵守如再致怠緩失事者容臣等糾舉施行謹題請旨順治四年三月十一日奉旨該部知道

戶科給事中劉顯績爲錢糧繁日宜裁事題本 原眉批「擬刪」

戶科給事中臣劉顯績謹題爲錢糧繁日宜裁以免溷淆以裕國用事竊惟省直錢糧起解存留貳項而已我皇上蠲免新練只徵條鞭益仁政誠良法也明朝起解之文因事立名分析不一如天師菴草場國子監菴豆光祿寺小麥工兵二部柴直料價之類是也然只此條鞭耳名目雜出吏胥分管先後那移彼此借兌以致官易顛倒下多欺蒙拖欠開銷種種滋弊今錢糧悉歸戶部度支取給司農約而不分簡而有體則省直錢糧宜查各州縣每年應解若干存留若干起解者只定起解條鞭銀兩一名按季徵解餘款盡刪明白可考至額徵

本色有緩不需用者查酌改折存留者如驛遞如工食如俸薪廩糧如鄉飲祭祀諸費令詳開細數報部稽核庶官志一清吏奸可杜百名亦曉然知惟此一項輸納急公經制昭而國用饒矣臣待罪戶垣首以國計入告仰惟聖明鑒納施行緣係錢糧繁日宜裁以免溷淆以裕國用事理未敢擅爲此具本謹題請旨順治四年三月十二日奉旨錢糧款項仍宜清列以便稽核戶部知道

巡視東城等城四川道等道試監察御史秦世禎等爲嚴防內姦以靖地

方事題本 原眉批「擬刪」

巡視東城等城四川道等道試監察御史秦世禎等謹題爲嚴防內姦以靖地方事切照輦轂之下最宜肅清近有賊盜屢行越城強劫殊干法紀臣等固有巡視之責者敢不加意綢繆第越城之賊皆由無巡軍之故以致出入無阻耳爲今之計外城七門原有官軍數百餘名夜于城上往來巡邏今未知設與否合無仍請添設夜則預備以防越遁庶宵小不得而入矣如內有不軌者則在設法以靖焉一在禁止戲館與說書之場慮此兩處動則集聚千百成羣每

借觀聽最易聚衆生非必將戲館書場畫行停歇不許假勢抗違一在力行十家牌各城地方勿論官民務要實書本家男婦名口坊官不時嚴查十家之內不許容住行藏不明之人至于大小各街巷口俱如法增修柵欄暮鎖朝開嚴禁夜行如遇強竊盜賊鄰佑九家併闔街巷人等一齊救護不許袖手傍觀一在禁娼店慮娼婦之家往來真實難辨必將內外兩城娼婦畫逐外城居住不許假勢窩藏容隱一在查歇家慮安歇行人之處最易停宿歹人必嚴諭開店之家凡赤棍形影可疑者勿留其應留歇者每日務報本坊官留歇者何人作何生理坊官仍不時稽察一在查菴觀寺院慮僧道之輩柔弱者不敢拒絕投宿之人不法者恐多與小人同謀不軌必令各城僧道不許容留來歷不明之人凡此各款有一故違者臣等卽當提拏重治以上窩姦之窟旣靜然後于內外各城門議設滿漢官員稽查無故騎馬腰帶弓刀併假充滿人捉拏盤問更有滿人及投滿之人俱各歸各旗各主不許住居城外亦不許晚宿外城恐地方官役稽查各項掣肘不便再如城內巡捕事務最爲喫緊各巡捕官役未有

賊先宜親督捕兵晝夜分信嚴巡勿徒令二三人役提鈴喝號而已也如遇有賊之時尤當設法嚴捕務在必獲地方被劫捕官須加重罪勿令一誤再誤可也臣等所言事屬尋常似不必仰瀆宸聽但京城滿漢雜處行之恐有借勢梗阻未便謹請旨申飭臣等一體遵奉施行順治四年三月十三日旨該部作速酌議具奏凡有章疏須每事另本陳奏不得多開款項屢有明旨何不遵行着該衙門申飭

英法聯軍戰役之中英交涉事件 軍機處檔

清軍機處藏各國照會中，有關於英法聯軍戰役之英國照會廿餘件，爲與我國交涉索還巴夏禮等及賠款議約等事之文書。其中除十年八月十六日，十八日，及十月廿八日之三件外，餘均爲籌辦夷務始末所未載。當與夷務始末中我國致彼照會參互觀之。

按此役肇釁於咸豐六年九月亞羅船事件，七年十一月聯軍佔廣州，八年四月陷大沽，旋訂天津條約；迨九年五月，以白河之戰，二次開釁，十年八月侵入北京，九月訂約了結。前項照會，卽爲聯軍侵入北京前至訂約退兵後之交涉文件。其已載夷務始末者不錄。

英欽差額爾金請令在京英員尅日回營照會 咸豐十年八月初八日

大英欽差大臣伯爵額爾金爲照覆事頃接貴親王本月初七日照會閱悉查本月初五日我^{大英}兩國大將軍明諭通州知州轉令兩國尙未回營之員弁尅日回營不便耽擱外該員如有攔阻不令前來其關係貴國利害綦重等情諒貴親王無有不知茲本大臣將特諭本國各員必早出京各回營轅字單一紙并

送轉請貴親王飭交該員等遵行惟於未回之先本大臣斷不能容會兩軍暫息干戈實不便遽議和局耳爲此照覆須至照會者右照會大清欽差大臣和碩恭親王一千八百六十年九月二十二日庚申年八月初八日

英欽差額爾金請在三日之內令留京英法員弁各回本營照會

咸豐十年八月十一日

大英欽差大臣伯爵額爲照覆事接准貴親王本月初九日來文閱悉查所有留京之本國人等往來通州皆在免戰旗號所保之內均爲怡親王大臣穆所明知未有不准往返之語乃僧親王愚昧失信致有初五日之役該員弁等或在通城或在歸途被執既深違各國兵交使在之常經羈留不遣又爲奸謀之舉我軍現駐距京城門僅三十里日後報復貴國與在事貴員等實屬理所應得來文所云面議八條均已允准惟親遞國書一節尙未議妥該員弁負氣而走等因所指是因本大臣恭奉我大君主御筆國書如何應呈大皇帝御覽生生有爭論又以本大臣於初二日交與參贊大員巴轉送怡親王大臣穆之公文內提此節一

似從前未曾議及別出之條殊屬非是果有以此報與貴親王者實爲所愚此

層早已及之本大臣前於七月十八日照會桂中堂謹將進呈親筆國書所叙

與八月初二日照會怡親王大臣穆之文無不吻合有案可據前此在津在通之時均

不列入條議者誠以列國來使呈書他國之主列國之主欲與他國之主敦好

而接見來使之處此凡在禮義之邦無有不知無不奉行遇有自謂禮義之國

不用此禮相待斯雖言稱和好而實滋他國之疑異總之本大臣向存修好之

心今勉再一披示卒與貴親王以可挽之機不至進兵京師必致隳城將遺易

姓改朔之鉅害茲以三日爲期所有留京英法兩國官弁人等令先各回本營

貴親王亦能行文內以全照前在津城交與桂中堂之續約不日在通蓋印畫

押則我大兵在此停止毋庸前進俟約定之後本大臣卽帶護衛兵弁足數進

京將戊午年定約互換各等事畢大兵節次按程回津惟因貴國各官先後多

有藉詞失信耽延時日現值秋深不便照原議之期啟行應俟來春再離津城

貴親王果願依議則彼此兩國各宜派員將預應商定事宜面晤會辦倘不於

限內一一依允則兩國合軍進兵攻京必令咸使聞知凡有當待我兩國之人敢違列邦大典難免自貽伊戚也爲此照覆須至照會者右照會大清欽差大臣和碩恭親王一千八百六十年九月二十五日庚申年八月十一日

英欽差額爾金請如期送回留京員弁並明訂續約何日畫押照會

咸豐十年八月十四日

大英欽差大臣伯爵額爲照覆事接准貴親王本月十三日來文其中雖以必不失信誠有和好之意不憚重申爲言豈我國官弁人等原是違理被執仍留在京未經送回及天津議定續約亦未言明何日何處實可蓋印畫押反來文尙盛稱中國兵威有餘則近三四旬之內在新河大沽張家灣八里橋等軍壘遭大挫貴國一若相忘實屬可異本大臣閱文之下曷勝可嘆如此虛言請可毋庸詞費徒稽時日前文必要各節以三日爲限合再申明明晚卽已期滿留京人等必儘明日送回貴親王務亦行文明訂續約真可何日何地畫押續約應改僅有一層是本大臣於十一日去文所指總由貴國藉詞耽延所致其餘

並無更張之處至於我大君主親筆國書一節實呈大皇帝御覽之禮除親遞外別無他儀不盡此禮則國書不便呈上惟查前文所論資遞國書原爲敦好交接之典本大臣向未列入準此動兵之議可見貴親王似懷更有別節之疑實係無端之揣測合請貴親王立派委員與本大臣委員面晤即將續約具稿謄清以便畫押貴親王如於明日送回留人之時委員借來均無不可前文所戒無煩重述只以留京該各員人不能照限送回我軍必卽拔營前進凡有重咎全在貴親王身膺之矣爲此照覆須至照會者右照會大清欽差大臣和碩恭親王一千八百六十年九月二十八日庚申年八月十四日

英欽差額爾金照復將巴羅二員衣物交來差資回照會

咸豐十年八月十八日

大英欽差大臣伯爵額爲照覆事接准來文閱悉一切當將^{巴羅}二員應用衣服等物均交來差資回請卽連覆信一函一併轉交可也爲此照復須至照會者右照會大清欽差大臣和碩恭親王一千八百六十年十月初二日庚申年八月十八日

英欽差額爾金照復仍遵守和局之堅議照會

咸豐十年八月二十日

大英欽差大臣伯爵額爲照覆事接准貴親王十九日發文兩件均悉其今早接之件內有巴參贊來函據云貴國願意派員至兩軍中間彼此未佔之處先爲商定結實和好等情該參贊設法定和實深嘉美所論派員之舉本大臣亦經屢次行文相示惟據各前文尙開違理留京之員等務必立放出都一節此貴親王來文兩件並巴參贊信函均尙未及查復定和局之堅議前文數件已具言之甚明今仍遵守一無更移請貴親王再行詳加檢閱希將內包各函並羅二員所屬送京之物轉交爲荷爲此照覆須至照會者右照會大清欽差大臣和碩恭親王一千八百六十年十月初四日庚申年八月二十日

英將軍克靈頓知照調派弁兵駐守安定門照會

咸豐十年八月二十六日

大英欽命陸路大將軍克爲照會事照得本月二十三日本將軍與大法大將軍會派本國參贊大員總理漢文正使威與貴親王委員恒大人面晤將本將軍等定見如何辦理之處通知該參贊當卽致書一件茲合抄附請照所有把

守城門一節今本將軍等擇定安定門爲便於本月二十九日午刻各軍調派
弁兵前往駐守其時果無抗拒則各軍除隨時護送兩國欽差大臣等往來之
弁兵外不准餘兵一名闖入京門不致稍有驚擾居民倘於臨門之際不照所
議更有阻撓立將京城攻開先於今日築起礮臺以備不允之應用惟恒大人
所云貴親王頗慮還京道途或遇兩軍兵役難保有加害之事此貴親王不知
我泰西各國之常經凡有不在動兵交鋒之列總無故意相害之理貴親王任
便往來途中斷不致受本軍之患况我兩軍現駐京師之北貴親王來路本不
相遇實屬無慮可知爲此照會須至照會者右照會大清欽差大臣和碩恭親
王一千八百六十年十月初十日庚申年八月二十六日

英參贊威妥瑪致我國武備院卿恒祺書

原件附咸豐十年八月二十六日英
將軍克靈頓照會內

大英參贊大員總理漢文正使威於本年八月二十二晚致書親交大清欽加
內務府大臣銜武備院卿恒

啟者今奉兩國大將軍派本大員前來以近因兩國欽差大臣等咨會已准貴

國欽差恭親王照會內將前年定約並今年議定續約無不允許照行等情准此兩國條約一層可以無庸提及外有我兩國員弁人等前被拏獲迄今未送回營者貴國仍不願即日送回則京城攻破以爲示戒失信害人早晚必不能免咎貴國果願亟爲送回並派妥員備辦續約等件我兩國欽差大臣等亦可訂期蓋印畫押換約等禮惟視近日之景自不便妄信貴國官人合預設防俾免後害是以我欽差大臣等進京合先帶各軍護衛弁兵於京門一座把守俟大將軍等選定何門則令貴國兵將暫退後京城官民果照津通兩城官民安居無事我兩軍待京官民亦能一切照天津通州之理相待准此專用此單呈鑒威妥瑪頓拜

英欽差額爾金申明進兵之故並請交賠恤被難英人之款照會

咸豐十年九月初三日

大英欽差大臣伯爵額爾金爲照覆事前接貴親王八月二十八日來文內開大半係爲照復我將軍克前日去文本大臣閱悉之下合立抄錄轉致查照聽便辦

理所云我軍攻破圓明園並在進軍之間另有各等舉動本大臣無庸再言祇
以此次進兵之故僅因本大臣前在天津所開和議貴國不肯定局旋在通州
亦然加以奸謀襲害開闢以來無此兇惡理合申明茲准將軍克咨會以來文
所云把守城門之法亦應明定章程照復等語均爲本將軍置之不問而城門
該管毫無別議所幸當日經交把守否則彼時貴親王或執來文所指之意京
城一座早被我軍攻佔再有一端並應申明者將軍克行文之時未知貴國相
待所有前八月初四日均爲兵交使在之常例不問妄執英法員民數名如何暴
橫惟憑貴親王與本大臣來文數件俱有並未加害分別安置以禮相待之說
詎據現查英人總非打仗冲散實因免戰旗號妥保是以不肯對拒反被擄縛
貴親王當日發文之際已經虐待甚至內有多名早斃似茲掩飾殊堪痛恨斯
乃貴親王之責經大將軍克後知其實將前定交門之議作爲罷論理宜此辦
惟念果有全策仍欲免民之大害是以尙未施行至於來文內開頗歸本大臣
專辦之事所有兩國既經和好之語貴親王何不記本大臣於八月初八日首

次照復內有該員等未回之先我軍斷不能暫息干戈實不便遽議和局之言嗣屢發文毫無別議總以務必依議否則不能復和容問貴國暨貴親王原爲當國大臣何以應之查本國彼日不回者計共二十六名今送回生者僅十三名身上俱有辱逼虐遇之跡輕重不等其餘十三名處死甚兇本大臣於始終情節不更長言只因深憤難免重提恐與此等公文有所不便之語惟此事甚惡尙未抵償大英國與大清朝自不能先定和局貴國果願拯救其瀕危必照本大臣所定尅允遵行據查園廷似爲兩國員人數名受各等暴虐之處內各殿宇尙有未經全壞之區立必拆清此節我大將軍克刻當設法自辦貴親王可毋庸與聞外必將叁拾萬銀兩交與本大臣委員查收候本大臣奏准分別賠恤或給遭害之家或給被難之人以資撫贍此外所有前在天津會定續約內除一條改爲俟約內賠項總數未得交完之間我兩國任便將兩軍均在津城駐劄之詞其餘照舊不改貴國立必蓋印畫押其園廷拆毀一舉不日興辦餘定本月初七日已刻以前爲期務當於限內必以本國被兇之人賠恤銀兩

俱於初九日措交並以貴親王真奉便宜行事之權於本月初十日必將續約
畫押八年條約互換等因照復否則咨會大將軍克入京將皇宮攻取再當相
機設法勉令貴國必從所議一面咨請水師提督合一併嚴辦貴親王不知粵
城雖爲本軍所佔而其海關稅項全數仍歸貴國徵收抑又不知滬城數月以
來不爲廣逆所陷者總因我軍代爲防禦况內地漕貢北上兩軍師船雖在外
洋並各海口無所不轄迄今往來不阻倘再不亟定和罷兵斯不能仍照此理
我將軍提督督兩大臣會議辦理或在洋面或於海口必將因貴國失信使我國必索
之項盡數討完可也爲此照復須至照復者右照會大清欽差大臣和碩恭親
王一千八百六十年十月十六日庚申年九月初三日

英將軍克靈頓請查復前被獲弁兵五名未有下落實在情形照會

咸豐十年九月初三日

大英欽命陸路大將軍克爲照會事照得八月初四日有本國員弁人等數名
均爲免戰旂號所保者被貴國襲擄今送回二十一名內有死者八人本將軍

分別查收外尙有同時被獲之五人至今未有下落其中一人爲我國武弁據查初五日早與前被獲各名一同離通進京行至半途某地方廟前該弁並法國官員一人分別起行聲稱欲送回兩軍以便稟報其餘兵丁四名與前多名皆送海澱或在澱遠近地方細縛甚兇大違各國之常理旋於初八日將多名分爲五六人一股遠押各監合請貴親王將前弁兵五人如何實在情形詳晰查復爲此照會須至照會者右照會大清欽差大臣和碩恭親王一千八百六十年十月十六日庚申年九月初三日

英欽差額爾金照復定期將續約蓋印並互換八年原約照會

咸豐十年九月初十日

大英欽差大臣伯爵額爲照覆事接據貴親王本月初八初九日來文二件均已先後閱悉付銀收文一節現在兩國正在派員點驗銀色按數查收俟查明兌收後本大臣卽當遵照來文之意付給收文以爲執據其續約畫押等事一節現定於本月十一日兩點鐘本大臣親赴禮部衙門先將續約蓋印畫押後並將八年原約互換合行照請貴親王查照可也爲此照覆須至照會者右照

會大清欽差大臣和碩恭親王一千八百六十年十月二十三日庚申年九月初十日

英欽差額爾金照復收到銀三十萬兩無誤照會 咸豐十年九月十四日

大英欽差大臣伯爵額爲照會事前准貴親王送來銀叁拾萬兩一項茲已據委員稟復兌明足數不誤爲此照復卽以此爲收據可也須至照會大清欽差大臣和碩恭親王一千八百六十年十月二十七日庚申年九月十四日

英欽差額爾金照復所有本任應辦之事交欽差大臣卜承辦照會

咸豐十年九月二十六日

大英欽差大臣伯爵額爲照覆事前准貴親王九月十六日來文內包咨沿海大吏公文各件均係循照續約所開急應辦理各等事宜旋准十九日來文內將九月十五日欽奉上諭英法和約內所定各條均著逐款允准約內應行各事宜卽著通行各省大吏一體辦理等因欽此一道准到祇悉後聞業將上諭並原續兩約均爲要件已在京城內外宣布廣貼並刊邸抄傳知通省深令本

大臣欣慰茲貴國辦理及此前言可復本國近京大軍亦必按照續約明文立
卽退程理合備文申明本大臣所切望後日無煩復興軍旅誠如大皇帝明諭
從此永息干戈共敦和好之至意本大臣素志主和此次重至貴國見有大皇
帝左右不善所有奏辦實致不得已有動兵之舉深使本大臣鬱懣所幸興兵
止此意乃貴親王善奏所致本大臣願如私衷果能以各國事務嗣後仍歸貴
親王專辦復命奏明更爲滿意本大臣原奉特簡前來今有成局已無他務合
行返旆所有本任應辦之事一概交卸欽差大臣卜一體承辦今以大臣卜已
於昨日到此京中所定公館擬派委員留住自暫駐津以俟妥爲修理房屋並
宜咨會外希於今日貴親王定准何時本大臣前來告辭順偕大臣卜同詣相
見請煩訂復爲此照會須至照會者右照會大清欽差大臣和碩恭親王一干
八百六十年十一月初八日庚申年九月二十六日

英欽差卜魯斯請轉照租用之樑公府遷出存物照會

咸豐十年九月二十六日

大英欽差大臣卜爲照會事照得現在兩國和好堅定和約其八年在天津所

定和約第三條內有駐京一條自應照辦然住於某處卽宜擇定以便修理連日各處查看數所或地址過小或破爛難修不堪棲止僅有樸公府一處稍爲合用貴國經照前條協同勦辦於本月二十三日引我參贊大員威巴踏勘卽於九月二十四日議定每年租價銀壹千兩按年付租久暫任便惟該府修理工程甚鉅應將第一第二兩年租價銀貳千兩扣歸修費少補興工之款茲查該府主公出無從寫立批據合請貴親王轉照該府令其將尙存零星物件搬移俾本大臣委員明日移住住守卽煩貴親王照覆前來以爲定租執據備案存查爲此照會須至照會者右照會大清欽差大臣和碩恭親王一千八百六十年十一月初八日庚申年九月二十六日

英欽差卜魯斯知照按約分派領事官駐紮准通商各口照會

咸豐十年十月初九日

大英欽差大臣卜爲照會事照得八年所定條約內載奉天府牛莊直隸天津山東登州江蘇鎮江福建臺灣廣東瓊州等處皆准開口通商本大臣今欲按約分派領事官前往駐紮合請貴親王咨會各該省督撫大吏飭令各地方官

於領事官蒞口之際務宜以禮相遇所有通商事宜一應設法辦理俾各英商貿易通順爲安至於第十款所開長江一帶各口英商船隻俱可通商等因本大臣現擬僅於漢口九江兩處先行開商惟視江面尙未安靖所有兩口開商之處莫若統照後開章程暫行辦理爲善凡有英船上下大江內載貨物無論進口出口應納稅餉均或在上海或在鎮江各關按照新章納稅各關監督皆宜妥爲設法務使各船遵行再英船欲上大江當向海關先行報明所存保護船隻之兵器火藥鉛彈等物若干請給照單該關口查明所報軍器數目如在情理之中卽應註明給發倘出單之後查有額外軍器或並無照單私行售賣軍器藥彈等物者卽將該船所載貨物全行入官並驅逐該船出口不准在江面貿易以上各節合請貴親王并咨湖北江西各大吏一體查照遵辦爲此照會須至照會者右照會大清欽差大臣和碩恭親王一千八百六十年十一月二十一日庚申年十月初九日

英欽差卜魯斯請劄諭各口照期完繳賠款照會

咸豐十年十月十二日

大英欽差大臣卜爲照會事照得查據續約第三款所定賠補一項第一結應於本年十一月二十日在廣州潮州廈門福州寧波上海各口完繳合請貴親王先期割諭各該監督照約辦理又查前條所載前項以三個月爲一結均當隨結清交專派英員稽查數目清單等件等因本大臣今擬割諭六口各該領事官代爲監收應與監督等官會同辦理合請貴親王亦割各該監督將三個月以內外國納稅清單於結期後五日之內親交該領事官查驗欲弔總簿查看或別有查對之處該監督無不相助爲理以徵信實覆核無誤該監督與領事官別具憑單同列銜名畫押蓋印憑單繕妥後其應送繳總數內二成立必清交領事官手收惟應并省辦理將小口應交之項歸入大口總納更爲簡便希貴親王割諭粵海關俟潮州領事官將所具憑單送到廣州領事官親交監督照單扣繳其廈門送單福州寧波送單上海均視此辦此外新開各口將來一體倣照并省辦理可也爲此照會請煩貴親王立行割諭各口遵辦爲望須至照會者右照會大清欽差大臣和碩恭親王一千八百六十年十一月二十

四日庚申年十月十二日

英欽差卜魯斯知照所繳銀兩若有盈餘或不足待下次彙計或補繳照

會 咸豐十年十一月初二日

大英欽差大臣卜爲照會事照得續約第三款所載在津應繳銀兩一項現經送來銀五十萬零九百四十七兩四錢兌交本大臣代國監收當卽備文請煩貴親王查照並將原銀分裝堅訂存箱以俟得有幹妥看銀之人詳加看視查此項銀兩到津經本大臣派員設局當傳本地看銀之數人前來細看銀色分別定價意俟該人等看明兌足開單前來本大臣方得憑立收單轉照貴親王存查以爲完據該人等初時開包看銀分別成色亦頗認真經將疑爲低銀數塊剔出在外詎貴國委員授意欲令不必從實揀選一概稱好多方恐嚇以致該人等次日竟將前日所別低色之銀私行參入新開各包每三四塊不等經英官等查出委員似此指使恐嚇看銀之人何堪再信理宜僅將此等成色之銀實重多少足色幾何日後另行估看轉報前來思此事本易完結本大臣亦

願速辦只因貴委員等所爲徒致煩難又使本大臣失其前望諒貴親王亦可鑒及應俟另得公妥看定如有足色盈餘應存以待下次彙計倘色不足貴國自必照數補繳本大臣定無慮也合行照會須至照會者右照會大清欽差大臣和碩恭親王一千八百六十年十二月十三日庚申年十一月初二日

英欽差卜魯斯照復派威參贊駐京議辦驗銀等事照會

咸豐十年十一月二十二日

大英欽差大臣卜爲照復事前接貴親王於十一月初十日十二日來文先後兩件閱悉五十萬銀一層來文所云天津銀匠實屬不妥難以相信等詢惟其所難原不在該匠伊等似有心公辦銀中疑有低色者分除候用定色之法本大臣願等驗明之日按照真數立單交收以昭本大臣之信心並示本大臣之公心也似此辦理深洽本大臣之意惜因貴委員行爲不善致本大臣應亦派本屬之銀匠一同看視方爲妥協不然恐無全靠之憑經將此項特在安庫分儲等招有委員不能恐赫之匠方可再驗茲本大臣明知果有貴親王親辦自不能有此等誤辦惜事查出本大臣無從卽與貴親王面議通知現願將其內

實情並有別項要務本大臣之真意轉致貴親王足知爲此特派參贊大員威
上京駐劄以期各事易於妥辦公館修理本大臣亦能遞京居住因念見貴親
王之日據有和好之道多有易在面議難在行文之言現派參贊大員威頗明
貴國之風俗並貴國之話本大臣之意見貴親王可以靠其人而能知矣爲此
照會須至照會者右照會大清欽差大臣和碩恭親王一千八百六十一年正
月初二日庚申年十一月二十二日

英欽差卜魯斯請補交下欠之京師議定續約內應償銀兩照會

咸豐十一年八月十四日

大英欽差大臣卜爲照會事照得去年在京師議定續約內有應償銀三十萬
兩並五十萬兩等項各宜如何先後交付本國該管官員當時接收解去香港
在案茲據詳報細秤此兩項所收不足共計下缺銀五千零六十六兩八錢八
分等因前來合將報單鈔錄並附請貴親王查閱卽約於何處以何法補交爲
妥照復施行可也須至照會者右照會大清欽命總理各國事務和碩恭親王

一千八百六十一年九月十八日辛酉年八月十四日計粘抄錄報單一紙

英總理軍餉大員呀摩詳報抄單

原件附咸豐十一年八月十四日英欽差卜魯斯照會內

大英駐劄香港總理軍餉等款大員呀摩詳報內稱去年所收銀兩二款一因我軍弁兵被難定償三十萬兩在京師交付解去兌後方知短交二千四百一十二兩五錢一因兵費定償五十萬兩在津交付內短二千六百四十四兩三錢八分共計短交五千零六十六兩八錢八分茲本總理軍餉大員到港親自細算細兌節節小心專理今報其數自不能錯是本大臣保其如此之言等情抄錄一千八百六十一年六月二十日辛酉年五月十三日香港發文

英欽差卜魯斯照復續約議定應交銀兩既全數交完已札行該管官勿

庸再議照會

咸豐十一年九月二十四日

大英欽差大臣卜爲照復事前因去年交銀三十萬兩並五十萬兩先後兩項收後據本國該管官詳稱秤兌下欠銀五千餘兩等情前來本大臣當卽照會貴親王查照旋於九月初四日接准復文閱悉檢查去年交付兩項銀兩時已

據我該管官等當場親自秤兌報稱平碼輕重相符具有呈單爲憑據此特派大臣額並本大臣曾經先後兩次均照報單全數收訖照復在案茲來文所言所稱下缺銀自係按貴國平碼核算等情本大臣意見亦係大概如此且因該管官未稟成色不足似宜卽以去年續約議定應交銀三十萬兩並五十萬兩等項實爲全數已經交完札行該官無庸再議外理合照復貴親王知照可也須至照會者右照會大清欽差總理各國事務和碩恭親王一千八百六十一年十月二十八日辛酉十一年九月二十四日

總管內務府爲酌議陵寢內務府考試筆帖式章程摺

內務府檔
道光二十五年

總管內務府謹奏爲遵旨酌議陵寢內務府考試筆帖式章程仰祈聖鑒事前據東陵內務府將該處考試筆帖式試卷咨送臣衙門照例辦理當經臣等揀派司員校閱擬取十四本於道光二十五年十一月初四日具奏並將原卷恭呈御覽本日臣恩面奉諭旨此次東陵內務府送到考試筆帖式試卷著毋庸議由總管內務府大臣另議章程具奏後再行考試欽此臣等查從前陵寢內務府考取筆帖式均係送京考試自乾隆四十一年以後始由該處考試卷封送臣衙門校閱辦理現奉諭旨另議章程再行考試臣等公同酌議擬請嗣後東陵內務府考取筆帖式卽仿照臣衙門考取筆帖式之例咨送吏部考試惟該處現在應考人數較少繙譯尙欠通順應請予限二年該管官嚴加督課務須認真學習以期精進俟二年後學有成效先行咨報臣衙門轉咨吏部遇有應入貢院考試別項筆帖式等差以便歸併一體考試其取中額數及考試一切事宜應由吏部查照例案酌核辦理至該處筆帖式額缺無多現在尙有捐


納降調二項候補人員遇有缺出不致懸缺待人應由該大臣變通擬補再以
後西陵內務府考取筆帖式亦請仿照現定章程辦理以歸畫一所有臣等遵
旨酌議緣由是否有當伏候訓示遵行謹奏請旨道光二十五年月日

魁齡爲吃肉失儀自請議處摺

內務府檔
光緒二年十月初二日

奴才魁齡跪奏爲自請議處事十月初一日坤寧宮吃肉奴才恭捧盤匱傾側失儀實屬疎忽請將奴才魁齡交部議處爲此謹奏請旨光緒二年十月初二日

等因於光緒二年十月初二日具奏奉旨「依議欽此」



總管內務府查明太監支米章程摺

內務府檔
光緒二十年十二月

總管內務府謹奏爲遵旨查明太監支米章程恭摺奏聞事恭照光緒二十年十二月初五日內閣奉上諭鍾德祥奏內倉有支放太監老米一項近來放米之日時有太監向領催滋鬧其弊由於太監先有私借債項扣抵轆轳或因銀米短折等情著總管內務府大臣確切查明按照定章覈實辦理以杜弊端欽此臣等遵查太監支米章程所有恩加月支米石係由官三倉發放其四季支食米石係由恩豐倉發放除恩加米石一項向由官三倉值年內管領將放米票每月彙總交三海司房散給應行領米太監自行赴倉支領三旗領催向不經手應毋庸查辦外詳查恩豐倉應支太監季米每石以粳米五斗秈米三斗五升粟米一斗五升照依應食之數開放按季向由會計司將食米太監名冊造送恩豐倉經倉監督按名開票發交三旗內管領下領催承領散放由太監持票自行赴倉支領至太監例支米石係全數支米向不折銀搭放歷經辦理在案惟太監應支米石係計口授食自不應有抵扣轆轳等情若照例僅由領

催散放米票誠恐易滋流弊嗣後擬責成三旗內管領認真監放用昭覈實再查私借債項一節臣衙門現無太監因私債告發之案無從查究惟有嚴飭該管領等隨時稽查倘有前項情事卽行呈明從嚴懲辦以杜弊端所有臣等遵旨查明太監支米章程各緣由謹恭摺奏聞謹奏光緒二十年十二月日

總管內務府爲憲政籌備處改設辦公處所並籌給司員等津貼摺

宣統二年十一月十六日

總管內務府謹奏爲奏聞事宜統二年二月十八日臣衙門遵旨設立憲政籌備處並揀派總辦協理文案各員悉心經理一切事宜曾經奏明在案當將憲政籌備處附設在臣衙門並督飭該員等次第辦理惟開辦伊始事務尙簡前因提前趕辦經臣等奏明分咨京外各衙門將有無關於皇室事務經費迅速詳覆以憑彙總覈辦嗣因籌備事宜日加繁賾又兼臣衙門係在禁城以內房間原屬無多實不敷辦公之用若另行擇地修建所費不貲實難籌此鉅款臣等籌商再四僅就所屬之裁撤稽查內務府事務監察御史衙門舊署量加修葺作爲辦公處所以節糜費所有前派之總辦協理文案各員擬暫爲分股辦理以專責成至修工應需銀兩暨派出司員等每日飯食茶水煤燭紙張等項擬由臣衙門自行分別籌給以資辦公謹恭摺奏聞伏乞皇上聖鑒謹奏宣統

二年十一月 日

並籌給司員等津貼摺

等因於宣統二年十一月十六日具奏奉旨「知道了欽此」

江蘇鎮江府教堂冊

軍機處檔

署江蘇鎮江府呈謹將光緒叁拾肆年春季府屬徒陽溧叁縣境內各國所設教堂醫院等處分別華式洋式彙造總冊呈送憲核須全冊者

計開

一府屬丹徒縣境內

耶穌堂洋式房屋壹所坐落西城內寶城坊堰頭街係美教士柏雅各永租基地改建外華內洋房屋一所在內傳教並設義學

耶穌堂洋式房屋一所坐落南門外大街虎踞坊係美教士吳柏記永租基地建造洋房在內傳教

福音堂洋式房屋一所坐落西門外大街大園坊又新街對過係美教士庫思非永租基地建造洋房在內傳教

聖經會洋式房屋一所坐落西門外英署坡下係美教士文達禮在內傳教

浸會堂洋式房屋一所坐落西門外大雲坊銀山門係美國胡教士永租
基地建造洋房在內傳教

天主堂洋式房屋一所坐落西門外大雲坊租界內鎮屏山脚下係法國
司鐸施方禮建造洋樓在內傳教

育嬰堂洋式房屋一所坐落西門外大雲坊昭關下小碼頭係法國天主
堂司鐸施方禮永租基地建造洋房設立育嬰堂

耶穌堂洋式房屋一所坐落西門外西津坊義渡局碼頭東首內地係英
教士胡德恩在租界洋房內傳教

浸會堂洋式房屋一所坐落西門外鱗灣坊王家山係美教士吳柏記永
租山地建造洋房在內傳教

內地會洋式房屋一所坐落西門外銀山坊係英國胡教士永租基地建
造洋房在內傳教

天主堂華式房屋一所坐落西鄉高資鎮係法國天主堂租賃民房分設

着華人教友陸村住內行醫

福音學堂洋式房屋一所坐落二區籐灣坊太古山係美教士庫思非自造洋房在內教學

福音醫院學堂洋式房屋一所坐落西城外銀山坊松樹凹係美教士賀僕人在內行醫教徒

美教士住宅洋式房屋一所坐落頭區登云坊登云山係美教士吳柏記柏雅各賽兆祥在內住家

英教士洋式房屋一所坐落西城外京畿嶺上係英教士文裴章永租山地建造洋房在內傳教

耶穌堂華式平房前後兩間坐落東鄉辛豐鎮係華人尹崇真在內傳教耶穌堂華式平房前後肆間坐落城內五條街係華人許振玉在內傳教

一府屬丹陽縣境內

天主教總堂華式房屋一所坐落縣城南鋪永租基地建造平房三十五

間係法教士華人張謙在內傳教

天主教分堂華式房屋一所坐落東鄉缺口裡村永租基地建造平房二

十五間

又分堂一所坐落東鄉珥陵鎮永租基地建造華氏平房三間

又分堂一所坐落東鄉花家渡永租基地建造華氏平房二十五間

又分堂一所坐落東鄉老杭甲村永租基地建造華氏平房三間

又分堂一所坐落東鄉張巷裡村永租基地建造華氏平房六間

又分堂一所坐落南鄉祁謝巷村永租基地建造華氏平房六間

又分堂一所坐落東北鄉段上村永租基地建造華氏平房六間

又分堂一所坐落北鄉瓜渚村永租基地建造華氏平房三間

遵查府屬陽丹各鄉共設有天主教分堂八處據縣冊聲明內係城內

總堂華人張教士一人兼管並無教士分住理合登明

美國福音堂一所坐落縣城清水鋪租賃華式平房二間教士張榮生係

揚州人

又分堂一所坐落東鄉呂城鎮租賃華式平房一間樓屋兩間園一方並無教士分住

又分堂一所坐落東北鄉前艾廟租賃華式平房一間並無教士分住
又分堂一所坐落東鄉橫塘橋華式平房兩間並無教士分住

又分堂一所坐落東北鄉訪仙橋租賃華式平房一間並無教士分住

一府屬溧陽縣境內

天主教堂棲息公所一處坐落西城外雙橋租賃華式房屋三間園一方係丹陽縣人卜南粟經理並無育嬰施醫

以上係府屬徒陽溧三縣境內城鄉設立教堂處所分別查造華氏洋式房屋清冊送府彙造總冊呈送核咨至府屬金壇縣向無教堂現經飭據查復境內仍未設立教堂亦無洋人育嬰施醫處所無處查造至太平廳境內向無教堂前已移請按季查報合併聲明

光緒三十四年五月

日署知府羅章

江蘇常州府教堂冊

軍機處檔

江蘇常州府呈爲造送事今將光緒三十四年春季分知府所屬各縣境內設立教堂學堂書塾醫院處所彙造總冊呈送鑒核須至冊者

計開

武進縣境內小教堂二處福音講堂一處福音教堂一處

一在城二圖北直街有福音講堂并中西蒙學課館一處屋係華式

以上一處於三十年八月間由蘇州耶蘇教總司鐸潘慎章牧師羅格思前來分設教士俞中善租賃洪福詠房屋居住共十八間教士潘慎章美國人

一安西鄉奔牛鎮有耶蘇小教堂一處屋係華氏

以上一處於二十九年十一月間係美國長老會教士賽兆祥分派教士

張榮生租賃王富大門面平屋兩間設立張榮生係中華揚州府人

一安西鄉奔牛鎮有天主小教堂一處屋係華式

以上一處於三十二年九月間係教民趙雲廷租賃王建明平屋三間設立

一大有鄉夏溪鎮有福音教堂一處屋係華式

以上一處係奔牛福音堂領袖童寶田到彼傳教住堂教民吳經林租賃董所法平屋三間設立吳經林係本邑嘉澤鎮人

陽湖縣境內小教堂七處

一政城鄉戚墅堰地方教堂一所平屋八間

一豐東鄉西青地方教堂一所平屋二十一間

一豐北鄉多圩地方教堂一所平屋十二間

一從政鄉走馬塘地方教堂一所平屋三間

一孝仁鄉東直街地方天主教堂公產一所大小平屋廂房本有三十七間現已倒去二十間尙存十七間又重建平屋五間

以上各教堂房屋均係華式並無洋樓及育嬰施藥等事間有過住教士

住宿亦無常住洋人經理教士蕭子雲係意國人

一安尚鄉橫林地方福音講堂一所平屋一間半係光緒三十三年五月添設現在查明補列

一中右廂觀子巷口地方福音講堂一所平屋兩間係光緒三十四年二月新添

以上講堂均係租賃民房每逢星期由武邑北直街地方福音講堂內派人到堂開講勸人為善此外並無洋人在堂住宿所有經理教士係霍約翰潘慎章係美國人

無錫縣境內法國小教堂及墓亭共八處美國耶穌教小學堂一處醫院一處

英文書館一所

一天授鄉五三圖堰橋鎮西街法國小教堂一所房屋華式教士蕭衡齋 茅本荃係

中華通州人

一天授鄉三一圖西漳法國小教堂一所房屋華式教士蕭衡齋 茅本荃係中華通

州人

一天授鄉五二圖楊巷法國小教堂一所房屋華式教士蕭衛齋係中華通

州人

一天授鄉四二圖徐巷法國小教堂一所房屋華式教士蕭衛齋係中華通

州人

一天授鄉四三圖新塘裡法國小教堂一所房屋華式教士蕭衛齋係中華

通州人

一開原鄉念二四圖龍山稍法國教民西式墓亭一處

一青城鄉八二圖玉祁鎮法國小教堂一所房屋華式教士吳維蕃係中華

上海人

一新安鄉三一二圖雪桂橋法國小教堂一所房屋華式教士蕭衛齋係中華

華通州人

以上法國小教堂及墓亭共八處皆司鐸蕭子雲總理係意國人

一揚名鄉念六十一圖棉花巷有美國耶穌教小學堂一所房屋華式教士已調俞中善係寧波人

一揚名鄉念六十一圖棉花巷有美國耶穌教醫室一所房屋洋式教士已調俞中善係寧波人

一天授鄉五二圖堰橋鎮美國英文書館一所房屋華式教士史致銀係寧波人

以上美國耶穌教小學堂一處醫院一處英文書館一處

金匱縣境內大教堂一處小教堂四處新造房屋二處書塾一處學堂一處

一景上鄉天五圖三里橋天主大教堂一所房屋洋式

一南下鄉四二一圖鴻山小教堂一所房屋華式

一天授鄉一八圖高長岸小教堂一所房屋華式

一天授鄉五三二圖石新橋小教堂一所房屋華式

一天授鄉五三二圖闕莊橋小教堂一所房屋華式

以上教堂五處均天主教司鐸蕭子雲所管係意國人

一天授鄉五二一圖夾山華式房屋一所

一泰下鄉三四六圖北橋華式房屋一所

以上二處房屋均係教士彭安多所造亦歸蕭子雲所管現無傳教等事

一南上鄉三九一圖蕩口鎮華英書塾一所房屋華式

以上一處於二十七年由美國教士海依士分立

一城內東南二圖槐樹巷華英聖公學堂一所房屋華式

以上一處係二十七年由美國係士麥甘霖設立

宜興縣境內小教堂三處

一開下區四十二圖十里排地方華式教堂一所教士蕭子雲係意國人

一開下區三十圖花圩地方華式教堂一所教士蕭子雲係意國人

一神安區十三圖鈕家村地方華式教堂一所教士蕭子雲係意國人

荆溪縣境內小教堂一處

一在城區四圍大街地方新設華式教堂一所教士潘慎章係美國人

以上美國教堂一處係於光緒三十二年夏季由教士潘慎章租賃華式房屋設立

江陰縣境內總教堂一處小教堂二十七處又美國教士醫院一處

一南門外五雲橋天主總教堂一所內禮拜堂一進係屬洋式其餘房屋俱係華式

一雙牌八保金童橋九房村天主教堂一所屋係華式

一三官石牌保蔣家村天主教堂一所屋係華式

一三官八保水南村天主教堂一所屋係華式

一綺山鎮駱駝橋天主教堂一所屋係華式

一峭歧鎮樓下村天主教堂一所屋係華式

一峭歧九保陳子白天主教堂一所屋係華式

一綺山八保周家灣天主教堂一所屋係華式

一西門外基中能家村天主教堂一所屋係華式

一夏港五保李莊裡天主教堂一所屋係華式

一虞門鎮天主教堂一所屋係華式

一申上五保吳家塾天主教堂一所屋係華式

一申上六保俞王村天主教堂一所屋係華式

一後梅十三保三寶村天主教堂一所屋係華式

一丁市十一保橫丹村天主教堂一所屋係華式

以上十五處俱係教士張秉杓管理係中華上海人

一泗河鎮塘頭橋天主教堂一所屋係華式

一馬鎮南陽歧天主教堂一所屋係華式

一泗河鎮陳社莊天主教堂一所屋係華式

一青陽天主教堂一所屋係華式

一夏城一保三河口天主教堂一所屋係華式

一月城鎮吳家角天主教堂一所屋係華式

一觀山六保焦山天主教堂一所屋係華式

一前周十一保立埭天主教堂一所屋係華式

一青下鎮新安底天主教堂一所屋係華式

以上九處係教士沈良管理上海人

一長壽鎮慕義莊天主教堂一所屋係華式

一長壽鎮三保邵巷天主教堂一所屋係華式

一長壽鎮一保須毛園天主教堂一所屋係華式

一祝塘鎮陸家橋天主教堂一所屋係華式

一祝塘鎮天主教堂一所屋係華式

一璜塘三保天主教堂一所屋係華式

一長涇天主教堂一所屋係華式

以上七處係教士茅本荃管理係中華通州人

一大橋后勝天主教堂一所屋係華式

一周莊鎮北市梢天主教堂一所屋係華式

一周莊鎮篷篙村天主教堂一所屋係華式

一楊庫一保天主教堂一所屋係華式

一壽興沙西三匡天主教堂一所屋係華式

一壽興沙段頭港天主教堂一所屋係華式

一常陰沙張韓鎮天主教堂一所屋係華式

以上七處係教士朱開軼管理係中華上海人

統共教堂三十八處皆天主教司鐸蕭子雲總理係意國人

一東門外二保美教士租賃沈姓房屋一所計添造洋式小屋三間原有華


式平屋五間側廂兩個又於西首另行添造洋式房屋兩進擬開醫院教

士海敦又續來教士李德理高惠德華爾德均係美國人往來無常

共計教堂三十八處皆係天主教又醫院一處

以上各縣設立教堂學堂書塾醫院處所除武進陽湖無錫金匱宜興荆溪江陰七縣彙冊造報外其餘靖江一縣飭據查復未經設有教堂處所
理合聲明

光緒三十四年七月 日知府王步瀛



清宣統朝四川鐵路案

本館近整理清軍機處所存光宣間電報有宣統三年四川總督趙爾豐等電報多通原件有未記月日者茲略按其實事排比順序如左

四川總督趙爾豐陳川人爭路情形電

那中堂鈞鑒昨發閣電謹請代奏想已邀鑒川因交路查款之電罷市罷課聲稱實係不得已之籲懇非敢圖逞似此本應懲治然人民皆未滋擾暴動礙難拏究恐更因之激成事變祇有分派兵警嚴行彈壓一面出示曉諭令其照常營業惟其中尤有困難之處地方所恃保衛治安端在兵警而爭路狂熱深入人心從前警兵時有哭泣者軍隊中則良莠混雜且皆係本省之人默察情形殊不可測現在外州縣伏莽遍地皆假路事爲名蠢然思動卽此區區不足恃之兵顧彼失此不敷分布審慮至再實未敢孟浪從事也省中各街衢皆搭蓋席棚供設德宗景皇帝萬歲牌輿馬皆不得過如去之必有所藉口更有頭頂萬歲牌爲護符種種窒礙不得不密爲陳告倘將席棚拆去或竟違抗及頭頂

萬歲牌滋事之人可否敬謹將萬歲牌焚化奪其所恃敬祈鈞裁並懇轉達慶王爺徐中堂究應如何辦理之處伏候電示祇遵爾豐叩江

四川總督趙爾豐陳省地發現罷市之舉電

原注七月初四日

郵傳部鑒辰江電悉省地方初二日發現罷市之舉當經剴切開導並派兵警妥爲彈壓一面密飭有電各屬將電局綫路妥爲保護目前省城尙無暴動行爲省外亦稱安謐豐支

四川總督趙爾豐陳川人主張路歸商辦並請將借款修路交資政院議

決電

原注七月初五日

川人初奉路歸國有附股與否任民自便論旨皆無他議嗣見借款合同起而爭約爭路皆謂合同雖根據於張文襄之草約然原約並無四川在內今以宜夔抵補荆漢實非所甘况川省以本省之款修他省境內之路亦係爲顧全公益乃不待股東議決竟行收去不惟有負川人初心且與附股與否任民自便之旨更復相背一般人民則尤以合同中之種種箝制國權盡失無異路送外

人將貽全國大患故此罷市罷課人心堅固謂國家如俯恤民情川路暫歸商辦並請將借款修路一事交資政院議決院議通過不敢再有異辭否則舉凡一切賦稅雜捐概不完納政府若不予轉圜人民亦將堅持以待官吏保持治安人民亦不暴動如用強迫手段卽以全省之力對待之云云現今外州縣頗爲騷動多有聞風罷市者前飭各屬一體嚴行戒備勿令滋擾然亂機已動大局可危兵力單弱不敷分布况又不盡可恃人人有眷懷桑梓之念而路送外人一語牢不可破欲其捍衛盡力實難憑信本省之兵力旣不足恃如此外省救援又非月餘不能到爾豐受事之初已窺其隱患故思潛移默運收拾人心乃自交路查款之電發表遂相率而起再四開導言莫予從果實力充足自不難布置而環顧左右艱窘萬分一發難收大局不堪設想惟有仰懇王爺中堂密爲代奏轉圜拯救危局倘能准交院議卽可轉危爲安若始終堅持則禍亂不知所屆目前危險情狀岌岌不可終日之勢披瀝上陳煌迫待命旨意如何乞速密示爾豐叩支

四川總督趙爾豐陳川事日見危迫請籌商轉圜之策電 原注七月初五日

頃電想邀鑒川省路事爾豐受事後即知解決不易隱患方深日與該會人等反復磋商以求完善伊等每以合同善否逐款向爾豐質問亦殊難致辭近日本期竭盡心力事機瞬變局勢日見危迫倘或勢處萬難亦決不敢勞朝廷慮惟望王爺中堂鼎力維持籌商轉圜之策倘蒙朝廷加爾豐以嚴譴慰川人以溫諭縱或未能挽回全局或不致變生意意外保川即以保國大局幸甚不勝叩禱盼切之至爾豐叩 豪二

東三省總督趙爾巽以川事嚴重非稍變方針萬難解決電

那中堂盛宮保鑒都舍弟電川聞李仍總宜益激罷市罷課不納稅僅未暴動然匪徒別有圖謀兵警皆爲搖惑果用嚴重干涉恐生意外前定操縱緩急恐皆無效非朝廷稍變方針萬難解決現已入奏云云似不可再用壓力有類抱薪救火乞酌巽魚

四川總督趙爾豐陳川人謂爭約爭路關係憲法不僅一路事電

原注七月初九日

呈江支兩電想邀台覽川民籲懇路事昨經代奏未知朝旨如何自宣布立憲以來外間官勢日縮民權日張每議一事權利之間絲毫不肯退讓由來已非一日此次川人皆以立憲國民但能根據法律不妨竭力以爭借款乃國債問題不經議會通過卽屬有違憲法且郵部訂立合同之時正內閣辭職之際如經閣議利害所擊政府必不贊成是郵部蔑棄憲法一意專制人民萬難承認所有爭約爭路爭款皆憲法根本之解決關係不僅止路事云云此時如純用壓力反抗必藉此而起其中更有曲折詳情前電當蒙鑒及目前只有嚴密防範以保治安地方儻有亂萌自仍當力懲辦尤懇中堂顧念全川維持大局儻蒙俞交院局分議拯救眉急可事從容布置不勝感禱日昨英領來函議及路事擬將宜歸已用之款暨現存之款仍還公司令川自修川境之路名爲故路一以符先朝商辦諭旨一以符幹路國有故路枝民自辦之旨亦不相背如與公司議妥後伊卽電達駐京各國領袖公使及英公使云云所言是否可行及

能否辦到尙不可知第有所聞理應電陳以備採擇惟此係英領私意未經向英公使說知請先勿宣布爾豐叩陽

四川總督趙爾豐陳川路如准歸商辦大局不致破壞請速定辦法電

那中堂鈞鑒都初八連奉兩次鈞電仰蒙指授機宜諭令揆度情勢策畫萬全並令將辦法情形隨時電陳遇事必竭力尤爲感銘肺腑昨又呈請代奏一電想邀鈞鑒院議誠如鈞示窒碍甚多爾豐亦知其難然目前大局卽糜爛堪虞不得不權其輕重緩急披瀝直陳川人已定宗旨不能俯准商辦卽實行停納錢糧雜捐以爲對待他不具論卽兵餉立竭勢將譁潰全省坐以自斃矧其用意尙不止此與其爲所挾破壞不若特沛恩施毅然解決人心知感逆謀都無所逞路成之後由國家收回仍與國有政策無背一轉移間大局安定蓋此時所最要者在勿失民心川人性本浮囂易生滋擾會匪徧地素好結社自立憲之說鼓吹人人有自由觀念自留東學生歸來多半狂悖言論今藉口路亡國亡浸潤灌輸於一般人民之心理羣情疑憤矢志決心其中有人欲利用此時

機以實行改革主義初猶存諸理想近乃見諸事實影響所及全國蒙禍今昨兩電冒瀆力爭者非僅爲路事計實爲大局計也若郵部恐湘粵鄂效尤抵抗而不知川省有變湘鄂亦必繼踵而起同一不能實行爲禍愈烈何如先事轉圜况張文襄草約本無川路今任川人自修宜夔仍以荆漢抵補以符原議於四國並無損失當能辦到此時更何暇計路綫之難易工程之遲速事勢萬分急迫不容再緩惟有先定人心徐圖收拾之策爾豐非不思用強硬手段然民氣固結已不受壓制內顧實力不足兵警難恃禍端所伏不僅蔓延一省而言者必以爾豐爲戎首籌慮至再未敢輕發總之此事非和平卽激烈如朝廷准歸商辦大局或不致十分破壞如不准所請則變生頃刻勢不得不用兵力剿辦成敗利鈍實不能臆計至全國受其牽動尤爲爾豐所敢任咎務乞中堂轉商慶王爺徐中堂鈞力維持速定辦法不勝悚惶待命之至爾豐叩卦

湖廣總督瑞澂以川事劇烈請派兵艦保護中外商民以鎮人心電

軍諮府海軍部鑒辰四川爭路風潮劇烈難免有匪徒乘間作亂川鄂接界正

籌畫派隊防邊間頃得川督急電十五日十鐘已有匪徒圍攻督署之事除電奏外查宜昌爲川鄂門戶華洋雜處外人必派兵輪分赴重慶宜昌兩埠自保商務似宜由大部於六楚兵艦中酌派兩艘分駐重宜兩埠保護中外商民以佔先著鄂湘兩省各派一艘駐紮以鎮人心而杜效尤如蒙允准建威楚同在鄂卽飭楚同赴宜建威留鄂楚泰赴湘卽飭留湘請再另派一艦赴重立盼示復瑞激諫印

海軍部復瑞激就近調派兵艦電

海密諫電悉佔先著以定人心辦法甚妥希就近飭楚同赴宜建威留鄂楚泰赴湘并留湘至赴重一艦經電薩統制沈統領迅速酌派如尙須續調他艦仍希隨時調用海部鈇印

海軍部電知海軍薩統制鄂督調用兵艦電

海密准鄂督急電請派兵輪分赴川鄂三省地面本部經電覆就近飭楚同赴宜昌建威留鄂楚泰赴湘并留湘至赴重慶一艦經電薩統制沈統領迅速酌

派如尙須續調他艦隨時調用等因并經電沈統領酌派一艦迅赴重慶矣特聞海部鈇印

海軍部令海軍沈統領派兵艦迅赴重慶電

海密頃准鄂督急電請派兵輪分赴川鄂湘三省地面本部經電覆就近飭楚同赴宜昌建威留鄂楚泰赴湘并留湘至赴重慶一艦經電薩統制沈統領迅速酌派如尙須續調他艦隨時調用等因著該統領卽酌派一艦迅赴重慶派定後電稟海部鈇印

資州電局陳成都閉城電報不通電

原注七月二十一日

各部憲局憲鈞鑒成都十六閉城至今都電不通城外聚民團數萬沿途並有該黨搜索連日接轉各要報均飛馳遞省能否投到未知謹此稟聞資局謹稟

重慶關道朱有基陳據資州牧探報省城情形電

原注七月二十一日

效電謹悉頃據資州牧探報省城內尙安靜惟城外會黨聚集亂民均數萬四路圍攻城內派兵攻擊死亡不少去者尙絡繹不絕道路不通進城者行至龍

泉驛卽被擋住搜索城內確信無從探聞等語鄂軍到成都須月餘昨有英人數名抵渝此間嚴密防範兵力太單鄂督派軍艦來援約旬日可到請轉送內閣朱有基哥

四川總督趙爾豐陳成都變亂情形電

原注七月二十七日此電尾未署名由所述事觀之當係趙爾豐下有二件同此

福趙耕川人爭路之焰至於極點皆由鄧孝可羅綸顏楷張瀾等鼓吹而成而蒲殿俊復暗中爲之主謀以爲後援竟至全省一致婦孺亦皆號泣雖百般開導不能解釋故弟屢請早賜轉圜以定人心該紳等見人心已附遂藉口保路川口謀獨立然初無証據弟猶以正言告誡冀其改悔並密偵其舉動以觀其變一面暗中布置繼乃不納釐稅實行抗糧抗捐至十三而逆書見十六日而起事之說已確因於十五日將該逆紳等誘入署中一並抱留在蒲殿俊家搜得該逆黨寄羅綸信有倡舉大義資助槍彈等語更屬憑証確鑿當日午間同志會黨聚集萬人闖入督署禁之不可將及堂不得已飭令開槍斃數人始行退去不然較湘變更烈十六日將明卽有亂黨齎集城下皆係逆紳預召之使

來幸我有備內外戒嚴至今旬日無日不有戰事均經先後擊退去城少遠奪獲槍械刀矛無數旂幟皆書同志會民匪混雜前日陣擒數十人半係鄉愚皆免省釋以爲解散之計雙流圍城三日昨始擊散雖未盡然力尙能制伯兄可請放心惟此事實非本願而大局所關不敢瞻顧知我罪我聽之可也電綫自十六日由省至資州皆斷南路亦不通今始將此路之匪打散專馬遞送須由資轉發故稍遲也有

四川總督趙爾豐再陳川事並請命端岑一督川一管軍事電

福趙德送悉那中堂徐中堂所示首要拘禁勿殺係爲留將來轉圜亦卽爲兄留地步感激交并前奉電旨拏獲首要無論職官立卽正法兄彼時卽擬遵旨辦理繼思軍事倥忽之際未能宣布其罪狀此輩黨類甚多將來必有謂我誣殺滅口者是以尙未懲辦今兩相諭勿傷其命自當謹遵此數人與兄素未謀面毫無嫌隙第其忝列衣冠實非善類且陰險狡獪迴出尋常背叛舉事表面極文明而手段極狠毒此次拿辦兄豈不知得罪川人且不止川人然其時大

亂將起間不容髮矧梟獍當前猶不捕誅自問何以對朝廷此事將來無論如何轉圜若此數人不誅必貽國家後患弟可向兩位中堂言之兄無成見也至兄處情形非電能詳述茲擇要言之肇亂之日嫂與女皆視死如歸故極從容鎮定兩兒尙能內外兼顧惟自十五至今仍皆通宵不寐奸宄多不能不嚴加防範寨廿八日尙有暗放火燒署之事幸早見撲滅門柱已焦當閱署時勢甚危險今日此身猶在可呼爲再世人一笑初四川省地廣兵單故請兵藉資鎮懾抽出川中防軍各路攻剿不意電杆砍斷十餘日文報不通以致上勞朝廷宵旰由湘鄂滇黔撥兵援助並派岑雲帥禦師剿撫兼施自可早就敕平兄近仍多病初聞簡署之命自知才識薄弱電奏懇辭未蒙俞允乃到任未久卽逢此變亦由無才所致故籌畫一切心力交瘁精神益復不支只以亂事未已不便乞退茲幸朝命端岑兩公入川擬懇天恩命一人督川一人管軍事可速竣功不然一國三公轉恐誤事弟當謂然此電望轉三兄閱再連挽溫江雙流仁壽三路罔獲蚌掌溫江仁壽棹已擊散雙流三路則將乘勢規復旂津縣城圓

擬支

端方論川事意見電

原注八月初一日

澤貝子爺盛宮保健行抵點軍坡兩接來電知岑有收命之請其所言專供報館歡迎不顧大局成敗且使朝廷無立足之地罪己之詔唐德宗宋高宗本朝庚子始一用之豈能爲出山濁作開場文字况政策方在堅持忽下此詔是國有可作罷論合同可以取消采帥季帥辦之而有餘安用此威望素著之臣爲哉此等居心決不在川督專想作內閣總理斷斷然矣改綫之議鄙意似宜遽不揭穿川精華在渝大股東在渝渝望方早至實望鄂軍速來藉資保護季帥請援軍先到渝亦是此意方到渝後先將收歸國有之益暨四國借款之關係與明白紳商詳細解釋看其意響所在然後再以還歸商辦歛動之改綫漢中利導之方有著手處若并揭穿若還價太猛必將別有要求至改綫還歸商辦問題亦須預爲研究從前吵商辦者是一班新黨且非真正股東股東祇求保全權利新黨則別受指使兩不相涉不能專就一邊著想擬俟到渝再定辦法

尊意如何復電望飭宜昌追送施南迎投方朔

東三省總督趙爾巽請分清岑趙權限電

原注八月初四日

頃接川督電錄下十日電綫不通外省誤傳更甚前已達電各省述近日情形當已見之提法統領無被害事祈釋念西林來川固善惟諭旨云各路援軍及川省新舊各軍岑到川後統歸其節制調遣如是則弟實處孤立之地直同贅疣既無兵權何以辨匪若謂有會同字樣此亦僅是虛名主體在彼豈復有所假借無權不能集事且有權而不能統一更足以僨事此九節度之敗於相州也昨岑由滬來電通飭各屬文武不許貪功生事不得擅行殺戮卽倡亂之人情節最重者亦暫行羈留須俟彼來再行判決觀此則直兩川督矣况諭旨尙未岑到川後軍事歸其節制則其未到以前尙歸弟轄豈能預爲遙制彼來至速一月試問此一月中政令何所從從彼乎從弟乎此時辦事正在得手此電通傳必致軍士解體州縣觀望川亂已成敵寇非同小匪豈能無所殺戮事機瞬變更何能俟判決弟豈尸位者耶岑能不來更好如不能中止惟有將各省

援軍歸其統率本省新舊水陸各軍仍歸弟節制分清權限責有攸歸各文武有所稟承弟亦有所措手且川人與我爲仇去我兵柄實無異束手待斃京外初聞謠傳甚惡故有此舉弟已經迭次奔報情勢不同似無妨略變方針懇兄電閣爭之如不能弟卽電奏力爭此中關係甚大非僅爭權限也豐東據此則岑意偏向一邊與廿三諭旨不符蓋在滬聽川人之要求而未知現情也恭查諭旨只令會同剿辦並無各軍新舊俱歸節制調遣是否續有另旨巽前請代奏祇請會同查辦亦未預及軍事現在匪勢已成非剿不能言撫且正在得手尤不可忽懈軍心爲今補救策一將川省現情諭岑知之速變方針速出續示凡解散歸里者爲良民聚而不散者仍痛剿不恕仍聽川督命令二則飭岑駐重慶辦理東南鎮撫事宜兵事仍歸川督或竟令駐宜昌三仍飭趙端勿得姑息長亂非此恐功敗垂成總之前奏爲速解城圍起見若早知得手不請奏上亦必不續派也且聞端爲川人歡迎則巽前呈兩電時尙不之知現在情勢不同則處置宜變初一鈞諭爾萃之言已奉到最爲正確欽服無量爾豐能斷

大事已蒙洞鑒卽請去其牽制爲要請轉呈邸座爲禱並乞示萃巽支

岑春煊電告行抵武昌再陳路事並乞退電

原注八月初八日

郵傳部鈞鑒辰川省剿撫事宜前經電奏並請敕部將收回路股均照十成現款發還諭旨以尙得要領詳細條目交由大部速議具奏計已議有端倪此次朝旨責煊者重在解圍省圍已解事漸平定卽請收成命未蒙俞允頃已行抵武昌煊陳論路事本爲出位之思第變由茲起一衅相因舍此更從何解決股款全還實爲要義若未能照允則事終難定自愧愚拙且當病驅仍必極力請退免誤事機務請從速電復爲禱春煊庚

湖廣總督瑞澂電告岑春煊堅持川事意見電


齊電計達今午與西林論川事其意仍堅持一不主辦首要一商股非給還十成現銀不可激再四諄勸百折不回又其意以大部議復股銀辦法能否如所奏請以爲進止激仍無他法可更逾言惟朝廷旣以剿撫重任屬西林果西林挾此宗旨則平亂不足反以長川人之驕肆其影響將及他省激竊爲西林危

之則不如不入川爲宜聞西林既視大部復奏爲進止則將如請各節量爲議
駁西林勢必力辭趁此降旨照准則於川事西林兩方面均可顧到激頃電商
韜公屬爲解決用特電陳乞妥商酌裁速復盼切激青

端方陳已抵夔州並請將岑春煊電奏全文及部復示知電

原注八月
初九日

魚電悉此次改道建始逕赴夔州山徑危險人跡罕至惟鮑春霆率軍剿匪曾
走過一次外此無聞幸今日已抵夔州鄂軍明早可到齊卽日督令前進自
入川境沿途接見紳耆似亦不乏明達商學全體歡迎備至是川民反抗朝廷
不過少數惟眉嘉一帶頗有警耗具詳昨夕電奏稿乞公詳覽西林初八到鄂
聞前此奏請發股十成已奉旨交部速議又聞俟部議上後路事就緒方肯成
行其電奏全文及部中若何議復務望電示爲盼方佳



國立北平故宮博物院文獻館二十四年一月分工作報告

整理編目

一 內務府檔案

1 檔冊 本月繼續上月工作，前依形式分類之內務府檔冊，均列類編目，繕寫卡片，並將以前繕就之目錄片，與原件校對，已竣事者，共計一七五二冊。

2 昇平署戲劇檔案 本月將各戲箱內存貯之破爛雜件，逐一整理，選出完整者分類，計單、稟、啟、結四類，并繕寫卡片及目錄。

單 一九三件 稟 一九件

啟 一件 結 一三件

又有題綱一類，係記載戲劇中之登場角色，扮演人名，及演唱幾齣幾場之總綱。本月開始由各雜亂箱內檢出，計分承應戲、節令戲、宴戲、開場戲、大戲、壽戲六種，尚有數種正在工作中，俟全部整理完竣後，再行

繕寫卡片及目錄。

3 造辦處地圖 本月將現存地圖分類編目，(草目)繕寫卡片，業已竣事，並將輿地、江海、河道、名勝、寺廟、各圖省分，詳為考訂，以備編製細目，茲將已整理各圖，分列於後。

輿地

總圖

二六件

京師

三件

直隸

一四件

盛京

七件

吉林

六件

黑龍江

四件

江蘇

五件

山西

八件

山東

九件

河南

四件

陝西

七件

甘肅

五件

浙江

六件

湖北

三件

四川

六件

江西

一件

| | | | | | | | | | | | | |
|-----|----|----|------|----|-----|----|-----|----|----|----|----|-----|
| 河南 | 京師 | 河道 | 長江沿岸 | 福建 | 江蘇 | 直隸 | 總圖 | 江海 | 各州 | 西藏 | 雲南 | 廣東 |
| 一〇件 | 二件 | | 三件 | 五件 | 一件 | 一件 | 一七件 | | 四件 | 五件 | 八件 | 二五件 |
| 山東 | 直隸 | | | 廣東 | 浙江 | 山東 | 東三省 | | 各國 | 新疆 | 貴州 | 廣西 |
| 四件 | 九件 | | | 一件 | 一四件 | 一件 | 二件 | | 六件 | 九件 | 九件 | 一〇件 |

安徽

一件

江蘇

一〇件

名勝

京師

一件

直隸

三件

山東

一五件

山西

一件

江蘇

五件

浙江

七件

寺廟

京師

三件

直隸

一一件

盛京

一件

吉林

一件

山東

五件

山西

一件

河南

一件

浙江

二件

江西

一件

四川

二件

西藏

九件

二 軍機處檔案

1 照會 本月繼續將美國照會摘由編目，截至本月底止，計編完光緒四年正月至六年八月者九四件，並繕就目錄片五二張。

2 電報 本月電報工作，為粘貼號票，覆核已摘各電事由。（即將草目加以修正。）繕寫目錄三項，截至月底，號票貼至七百四十號，覆核事由至光緒二十六年十二月，目錄由電字一號繕至一百〇五號。

3 奏摺 本月繼續將嘉慶朝奏摺摘由登記，截至本月底止，計登記元年十二月至二年閏六月摺一二三件。

三 內閣大庫檔案

1 黃冊 本月內仍繼續上月工作，就冊中內容，與已經登記之卡片，詳細校勘訂正。自戶部鹽課類校起，已將漕運、倉場、關稅、銀庫、緞庫、顏料庫各類，校勘完畢，共計一千七百餘冊。漕運類原列有「水次六倉」一目，現因各冊內容性質不同，不便歸納，故另行提出作為一類，定為「漕運六倉類」，分列子目如下：

漕運六倉類（江寧倉） 收放糧米 收放撫米 旗船奏銷

（淮安倉） 實徵錢糧 收放錢糧 歸併錢糧

（徐州倉） 收放錢糧 徵催糧銀

（鳳陽倉） 實徵錢糧 收放錢糧

（臨清倉） 收放錢糧

又南三所辦公處所存懋勤殿原貯黃冊，分類整理，登記卡片，業經竣事，共計六百餘冊，現正在校勘中。

2 殘亂檔案 繼續上月工作，將紅本庫架後堆集之殘亂檔案，陸續移出清理，紮捆上架，現正在工作中。

編輯出版

一 清內閣庫貯舊檔輯刊已出版

二 繙譯滿文無圈點字書篇首奏摺 大庫舊存滿文無圈點字書篇首，附有弁言一段，經職員張玉全譯成漢文，悉爲鄂爾泰徐元夢當時編

纂進呈之奏摺，證明是書實爲研究老滿文檔必須參考之籍，將來尙擬付印發表。

三 清季各國照會目錄 第一冊（英國）已出版，第二冊（美法二國）編製中。

四 校勘清太宗實錄 本月繼續鈔錄乾隆本清太宗實錄卷六一至卷六四，共四卷。又校太宗實錄卷四四至卷四八，共五卷。

五 文獻叢編 第二十三輯校印中，第二十四輯已著手編輯。

閱覽及借鈔

一 閱覽 本月內輔仁大學劉文興先生借閱乾隆三十八九年實錄八函計五〇本。

二 借鈔 本月內中央研究院社會科學研究所借鈔光緒二年至十年英國照會十一件，又繼續借鈔各省地丁錢糧冊計二十四冊，兩浙鹽課錢糧冊計七十四冊，福建鹽課錢糧冊計五十七冊，戶部三庫大進

大出及四柱冊計十六冊。

招待參觀

本月十七日招待各大學史學系，及各學術團體，參觀本館檔案文物。來賓有北京大學，北平大學，師範大學，清華大學，燕京大學，輔仁大學，中央研究院，歷史語言研究所，社會科學研究所，北平研究院史學會，中國營造學社，北平圖書館，國語統一會，及本院專門委員多人。首至南三所辦公處，由館員引導至各庫房，參觀內務府各種檔案，及輿圖，劇本等，繼赴內閣大庫，參觀明清史料，殘餘書籍，清代黃冊，試錄，題名錄，金榜，滿文本牌，及各項工作成績等。是日來館參觀人數約二百餘人。

中華民國二十四年二月出版

文獻叢編第二十三輯

編輯所 國立北平故宮博物院文獻館

發行所 國立北平故宮博物院出版物發行所
電話 東局 四四三六

印刷所 故宮印刷所
電話 東局 一六九八



| 費 | 郵 | 價目表 | |
|--------|----|------|-------|
| | | 五 | 角 |
| 每月一分 | 本市 | 每月一册 | 半年六册 |
| 每期一角 | 外埠 | 二元七角 | 全年十二册 |
| 每期二角五分 | 外國 | 五角二角 | |

本市 上海 天津各大書店均有代售

文獻館出版刊物一覽

掌故叢編
文獻叢編
清三藩史料
史料旬刊
清代文字獄檔
清代外交史料 嘉慶朝
清代外交史料 道光朝
清光緒朝中法交涉史料
清光緒朝中日交涉史料
清宣統朝中日交涉史料
影印道咸同三朝籌辦夷務始末
影印太平天國文書
朝鮮國王來書
清太祖武皇帝實錄
清太祖努爾哈赤實錄
多爾袞攝政日記

朝鮮迎接都監都廳儀軌
康熙與羅馬使節關係文書
讀書堂西征隨筆
名教罪人
重整內閣大庫殘本書影
雍正不錄奏摺目錄
軍機處檔案目錄
清代實錄總目
銅版地圖
交泰殿寶譜
廣西沿邊各營駐防中越交界對汛法屯距界遠近圖
印璽明信片
台灣風俗圖明信片
故宮博物院文獻館一覽
文獻館南遷文物清冊
文獻館二十二年度工作報告及將來計畫

中華民國廿四年五月廿

收到

本院出版物代售處

大同書店 北平四小石作二號

修禪堂 北平歷福寺

來薰閣 北平琉璃廠

豹文齋 北平琉璃廠

清秘閣 北平琉璃廠

利利文藝公司 上海棋盤街酒煙路

大新公司 廣州市西堤

大成新記書局 廣州市永漢北路寶賢里

商務印書館南陽分館 開封財政廳街四十七號

新新書店 山東考棚街

覺民書社 山西太原樓兒底四號

淳輝閣 漢口寶華街

協記現代文化社 四川成都祠堂街

仰風書局 四川內江南街二十二號

北新書局 四川重慶傳珠市街

益文書店 四川資中大東街

永昌公司 桂林學院街